

ՄՄԲԱՏ ԶԱՂԱԶԻԶԵԱՆ

ԲԱՆԱՍՏԵՂԾ-ՀՐԱՊԱՐԱԿԱՆՈՍ

Ե՛ԼԻՇԷ ՄՍԴԱԹԵԱՆԻ

(շարունակութիւն ¹⁾)

III

Անտարակոյս, Շահազիզեանի սիրելի հեղինակների շարքը չէ վերջանում բանաստեղծների անուններով. քիչ թէ շաա նա ուշադիր էր անշուշտ և գիտնական զրականութեանը, մանաւանդ այն ճիւղերին, որոնք մօտիկ յարակցութիւն ունէին իւր մասնագիտութեան հետ. և թէպէտ մենք չենք կարող նոյն ճշդութեամբ որոշել զանազան գիտնականների և մտածողների ազդեցութիւնը Շահազիզեանի վրայ, բայց այդ ազդեցութեան ներկայութիւնը կողմնակի կերպով խոստովանում է մեր հեղինակն ինքը. այսպէս օրինակ, Շահազիզեանի գրքոյկի մէջ մենք գտնում ենք յիշատակութիւն Վրջամիտ Բոկլի յայտնի պատմական երկասիրութեան և Զ. Սո. Միլլի և Կունս-Ֆիշերի աշխատութիւնների մասին:

Աւելորդ է ասել, որքան օգտակար սիրտի լինէր մեր բանաստեղծի համար օտար զրականութեան ուսումնասիրութիւնը: Դիտելու է, որ յիշած ուսու և եւրոպացի մատենագիրներից համարեա ոչ մէկը այսպէս կոչւած «միջակներից» չէ. Շէքսպիր, Բայոլըն, Գեօթէ, Հէյնէ, Լէօպարդի, Բերանժէ, Պուշկին, Լերմոնով, Բոկլ, Միլլ... այս անուն-

¹⁾ Տե՛ս «Մուրճ» № 3 և 5.

ների հետ անխզելի կերպով կապւած է տիեզերական մասնագորութեան յառաջադիմութիւնը: Բայց մի բան որ արժանի է խորին ուշադրութեան, մի բան որ մեր ձեռն է տալիս մեր բանաստեղծի ստեղծագործութիւնների բանալին—այն է որ Նահազիզեանի սիրած գիտնականներից ոչ մէկը մետաֆիզիկ չէ, և բանաստեղծներից ոչ մէկը զուտ դեղարւեստական չէ: Նկատեցէ՛ք, որ այնպիսի գեղարւեստական հանճարներ, որպիսիք են Գեօթէ ու Պուշկին, համեմատաբար աւելի փոքր բաժին ունին Նահազիզեանի պօէզիայի մէջ, քան Բայունը ու Լերմոնտովը, որոնք թէև իրանց գեղարւեստական տաղանդով սուոր են կանդնած աւաջիկներից, սակայն իրանց բանաստեղծական արտադրութիւնների մէջ կենդանի արձագանք են հղել ժամանակակից հասարակական և քաղաքական շարժումներին. ահա՛ մի նշան Նահազիզեանի տաղանդի հրապարակաստեղծութեան:

Դէպի հրապարակաստեղծութիւնն էին հրաւիրում մեր բանաստեղծին և իւր ժամանակի պոլիտիկական և սոցիալական փոփոխութիւնները թէ Ռուսաստանում ընդհանրապէս և թէ Արևմտեան-Եւրոպայում: Այդ փոփոխութիւնները չափազանց թարմ են ընթերցողների յիշողութեան մէջ, որպէս զի հարկ լինէր այստեղ կանգ առնել մանրամասնութիւնների վրայ: Յիշե՛ք միայն, որ այդ ժամանակը բանաստեղծների օրհնած երկրի և հիւսիսային մեծազօր տէրութեան ազգային վերածնութիւն և միաւորման դարաշրջանն էր. կարո՞ղ էր միթէ Նահազիզեանի հայրենասէր հոգին այդ՝ աշխարհ թնդացնող յեղափոխութիւններին ու բիր բարենորոգումներին ձայն չը տալ՝ այն էլ վերածննդ պետութեան կենտրոնում, ճորտութեան կապանքներից ազատւած բազմամիլիոն ազգաբնակչութեան երկրորդ մայրաքաղաքում:

Բայց բացի բուն պատմական անցքերից՝ Նահազիզեանի տաղանդի զարգացման և աշխարհայեցողութեան վրայ հզօր ներգործութիւն է ունեցել և ժամանակակից ռուսաց գրականութիւնը: Նախորդ շրջանում ռուսաց գեղեցիկ դպրութեան մէջ Գոգոլի շնորհիւ հաստատուած ռէալական ուղղութիւնը այժմ խոր արմատներ էր արձակել մանաւանդ վիպագրութեան մէջ. մի խումբ երիտասարդ հեղինակներ, զանազան կողմերից մօտենալով Ժողովրդի կեանքին,

ճշգրիտ գծերով պատկերացրին նրան մի շարք գեղարւեստական գրւածներում, որոնք հասարակութեան ճաշակն ու միտքը կրթելուց զատ, պատւաւոր տեղ պատրաստեցին ռուսաց վէպի համար ընդհանուր գրականութեան հանդիսարանում: Միաժամանակ նոր հոսանք ընկաւ և պուրլիցիստիկայի և կրիտիկայի մէջ: Պարբերական մամուլը իւր յառաջադիմական և ազատամիտ օրգանների բերանով մի կողմից համարձակ և անողորմ քննադատութեան ենթարկեց նախարէֆորմեան Ռուսաստանի կարգերը, միւս կողմից խրախոյս և աջակից եղաւ վերանորոգել կայսրի կառավարութիւնը, ընթերցող դասի առաջ նորա իմաստուն գործառնութիւնների ու մտադրութիւնների անկեղծ և անխարդախ թարգմանը հանդիսանալով: Բէլինսկու էսթէտիկական քննադատութիւնը, որ սահմանափակոււմ էր գրական երևութների լոկ գեղարւեստական գնահատութեամբ, չը կարողացաւ գոհացնել նոր գաղափարներով համակաժ գրողների սերնդին. առաջ եկաւ մի ուրիշ կրիտիկական դպրոց, որ ջանք էր անում թափանցել նաև հեղինակի անձնական և հասարակական իգէալների շրջանը: Ինքը ռուսաց գրական քննադատութեան նահապետը ստիպւած եղաւ տեղի տալ այդ ուղղութեան առաջ և իւր գործունէութեան արեւմուտքին՝ հրաժարեց իւր նախկին մոլորութիւնների մի նշանաւոր մասից: Այսպիսով, նոր թագաւորութեան սկսելովը ասպարէզը մնաց Դոբրոլիւբովին և Պիսարեին: Յայտնի է, որ իրանց միակողմանի և երբեմն ծայրայեղ տեսութիւններով հանդերձ, այդ տաղանդաւոր քննադատները ունէին այն բացարձակ առաւելութիւնը, որ ձգտում էին գրականութիւնը ծառայեցնել կեանքին, և գուցէ ոչ մի ժամանակ ռուսաց իրական կեանքի և գրականութեան կապը այնքան զորեղ չի եղել, որքան չիսնական և վաթսուհական թւականներում:

Ահա հէնց ռուսաց բելլետրիստիկայի այդ ուշալական ուղղութեանն ընդհանրապէս և գրական քննադատութեան նոր՝ օգտախնդիր (ուտրիլիտար) պրինցիպին մասնաւորապէս աշակերտում է և մեր բանաստեղծը: Եկեցէ սուրբ գործը՝ երգի մէջ Շահազիղեանը ցաւով է մտաբերում այն ժամանակը, երբ ինքը անհոգ քնարի լարերով է երգում էր միայն սիրոյ գեղեցկութիւնը, և պարծանքով է շեշտում, որ այնու ամենայնիւ շուտով զօրացաւ, խորտակեց ինքնահաւան մուգայի բռնութիւնը և ուխտեց պիտի մշակ հասարակաց պիտոյքը:

և երգել «գործ և վաստակ»: Այդ անտարակոյս մի ակնարկութիւն է «Ազատութեան ժամերի» վրայ, ուր, արդարեւ, սէրը, զգայական սէրը, չափազանց լայն տեղ է գրաւել. սակայն աշակերտական նստարանի վրայ, ի հարկէ, Շահազիզեանը դժւար կարող էր հաշտեցնել բուռն երիտասարդական կրքերը, տեսական խելքի թելագրութիւնների հետ:

Միևնոյն ուտիլիտար վարդապետութեան արձագանքը հնչում է և «բռնաւոր Սուլթան» և «Պոյէտ, նիւթապաշտ և քաղաքացի» բանաստեղծութիւնների մէջ: Աւաջինում բանաստեղծը վերցնում է մուզաների գլխից «էսթետիկներին» հնարած խորհրդաւոր օրէօլը, յայտնելով, որ երգիչը պէտք է ցաւակից և խնդակից լինի իւր ժողովրդին:

Եւ այժմ պոյէտն այլ երազում չէ,
Որ նա որդի էր վերին երկնքի ¹⁾
Եւ նորա հոգին պիտոյ է լռէ,
Ուր բան էր վատթար խեղճութիւն ազգի:
Եւ թէ ծնել էր, որ լինի թարգման
Քաղցր մեղկութեան և անգործութեան,
Եւ յոգեւորած, քնարի հետ խօսէր
Երբ նա երգում էր միայն գինի և սէր,—
Ո՛չ, նա փոխել էր այդ ծուռ գաղտփար:
Նա բաժանորդ է ազգի ցաւի հետ:
Եւ ահա այս խօսքս թնդում է քնար.
Նա՛խ քաղաքացի, և ապա՛ պոյէտ:

Իսկ երկրորդում՝ քաղաքացին, որին պատկանում է վերջին խօսքը, բնութեան տեսարանների վրայ զմայլած պոյէտին կանչում է քաղաք «Հասարակի բաղն ու օգուտը» երգելու:

Դու այն ժամանակ անդամ ես ազգի
Եւ արժանի ես մեր սուրբ յարգանքի.—

Այս քաղաքացին ասաց պոյէտին,

Շտա՛պ քայլերով գնաց իւր գործին:

Այսպիսով, մեր հեղինակը նաև զեղարւեստի մէջ ուզում է

¹⁾ Մեր անմահ քերթողահալը միևնոյն միտքը լայնում է իւր ազնւագարմ մեկեմասին: (Խորենացի, III, 65):

մնալ ազգի անդամ՝ և պարտաճանաչ քաղաքացի։ Այդ ցանկութիւնից մինչև հրապարակախօսութիւնը հեռու չէ. մի քաջ էլ՝ և ահա պօէտը դառնում է պոետիցիստ։

Կարելի չէ՝ արդեօք նախագուշակել, ի՞նչ հրապարակախօսութեան հետ պիտի կապէր Նահազիզեանը իւր բանաստեղծական գործունէութիւնը։ Ընտրութեան համար անհրաժեշտութիւն չը կար գուրս գալու մայրաքաղաքի սահմաններէրց. «Ճռաքաղ» կամ «Հիւսիսափայլ» — ահա այն դելէմման, որի առաջ պիտի կանդ առնէր գործի և աշխատութեան ծարաւի ապագայ բանաստեղծը։ Քանի դեռ վերջնականապէս չէին մշակել ու ձեակերպել Նահազիզեանի տեսութիւններն ու իդէալները, քանի դրականութիւնը նրա համար լոկ ազատ ժամերի զբաղմունք էր, պարզ է որ նա կարող էր աշխատակցել անխորիւր սրան կամ նրան. և իրողութիւնն այս է, որ մեր բանաստեղծը իւր առաջին փորձերից մի երկուսը — դրաբառ. ոտանաւորներ — տպագրել է «Ճռաքաղում»։ Սակայն, չը խօսելով այդ ոտանաւորների շնչին քանակութեան մասին, բաւական է նկատել, որ դրանք իրանց բովանդակութեամբ իսկապէս ոչինչ կապ չ'ունեն Մսերի օրգանի ուղղութեան հետ, և զուցէ նրանց՝ «Ճռաքաղում» լոյս տեսնելու պատճառն այն է, որ «Հիւսիսափայլը» էր հիւրընկալում իւր էջերում գրաբառ գրւածներ։ Յաճնայն դէպս, «Լեւոնի վշտի» մէջ արած հետեւեալ հեգնական ակնարկութիւնը, վերաբերում է և «Ճռաքաղում» տպած գրաբառ փորձերին։

Թէև երբեմն սիրտս զրաւեց

Խրթին կանոնքը խրթին արւեստի,

Բայց զարգանալով խելքըս չընդունեց.

Յետ ուղարկեցի,—ապերա՛խտ որդի։

Մենք տեսանք, որ Նահազիզեանի այդ զարգացումը կատարւեց զուգընթացաբար նրա հասակի հետ միասին՝ բազմատեսակ հանգամանքների ներգործութեան տակ։ Լազարեանց ճեմարանի դասընթացը բոլորելուց յետոյ՝ Նահազիզեանը ամփոփւած չը մնաց իւր անձի մէջ. մի կողմից ուշադիր աչքով հետեւելով ժամանակակից կեանքին, մի ուրիշ կողմից նա լրացնում էր իւր գիտութեան պաշարը ընտիր հեղինակների ընթերցանութեամբ։ Միևնոյն ժամանակ նա սերտ յարաբերութիւններ էր պահպանում և Մոսկւայի հայհա-

սարակութեան, մանաւանդ համալսարանական ուսանողների հետ, որոնցից մի քանիսը իւր նախկին դասընկերներն էին ¹⁾։ Այդ ուսանողների մասին էր ասում Նազարեանցը. «Դոքա են մեր թարմ ծիւերը և ընձիւղները. դոքա են իմ առաջին սիրելիքը»։ Եւ դոցա համար, — պատմում է Շահազիզեան, — Նազարեանցը առանց յոգնելու ման էր գալիս հայոց տներում, վաճառական ժողովարաններում, հաւաքում էր ամեն տեղից շատ կամ փոքր արծաթ և մատակարարում իւր պակասաւոր ուսանողներին»։ Բայց ուսանողների և Նազարեանցի կապը լուրջ նիւթական էր, այլ աւելի՝ բարոյական։ Այդ ուսանողները անցնում էին միւսնոյն դպրոցը, ուր տարիներ առաջ անցել էր և Նազարեանցը, ծառայում էին միւսնոյն գաղափարներին, որոնց ծառայել էր մի ժամանակ և շարունակում էր ծառայել Նազարեանցը. նրանք ոգևորւում էին միւսնոյն յայտնով և ձգտումներով, որոնցով ապրում ու ոգևորւում էր Նազարեանցը։ Ի՞նչ էր ուրեմն Լազարեանց ձեմարանի պրոֆէսորը այդ ուսանող երիտասարդութեան մէջ։ Նրա բարձր դիրքը, նրա հասակը, նրա անունը, նրա գիտութիւնը, նրա բարոյական արժանաւորութիւնները — ամեն ինչ նախապատրաստել էր նրան մի բնական ուղեցոյց և առաջնորդ լինելու՝ դեկավարութեան կարօտ այդ յուսալիր հայ երիտասարդութեան համար։ Ժամանակն այնպէս էր, որ ուսանողութիւնը կազմում էր հայկական ինտելիգենցիայի ամենազօրեղ տարրերից մէկը. մնացած

¹⁾ Շահազիզեանի դասակիցներից մէկն էր և Լերմոնտովի (Демонъ-ի թարգմանիչ՝ վաղաթառամ բանաստեղծ Մ. Սաղաթեան։ «Այս վաղամեռիկ քանքարաւոր երիտասարդի մահը ականաւոր կորուստ սլիտու է համարւի մեր ալժմեան բանաստեղծական աղքատ զրականութեան համար» — գրում էր Մ. Միանսարեանցը մեզանից քսաներեք տարի առաջ։ «Մուրճ» ամսագիրը ալք ժամանակահատից դէս առաջինը եղաւ որ նորից լիչեցրեց ընթերցող հասարակութեանը Սաղաթեանի անունը։ Ալեուհետեւ մեր պարբերական թերթերից մէկ («Մշակ») Լերմոնտովի մահւան լիսնամակը լրանալու առիթով առաջարկեց առանձին գրքովով հրատարակել Սաղաթեանի թարգմանութիւնը։ Այդ ժամանակաշարմար առաջարկութիւնը լանձն առաւ կատարել «Տարադ»-ը իւր էջերում արտատպելով «Դիւր»։ Բայց և այնպէս, ցանկալի է ունենալ Սաղաթեանի (ինչպէս և կոմս Էմմանուէլի և ուրիշների) բոլոր գրւածները (եթէ կան առանձին գրքում ամփոփած և բանաստեղծի պատկերով և կենսագրութիւնով զարդարած։

ինտելիգենտ ոյժերը բաւականաչափ պատրաստութիւն և հեղինակութիւն չ'ունէին ռուսահայոց մտաւոր վերածնութեան կարապետներ ներկայանալու: Եթէ չը հաշուենք Նազարեանցի ընկեր Խաչատուր Աբովեանի և ժամանակակից Մարկոս Աղաբէկեանի գործունէութիւնը, պէտք է խոստովանել որ ռուսահայոց ինտելիգենցիայի ընդհանուր ձգտումներն ու ակնկալութիւնները յիսնական և վաթսնական թւականներին՝ ամբողջապէս կենտրոնացան «Հիւսիսափայլի» խմբագրի գործունէութեան մէջ: Սակայն «Հիւսիսափայլը» յիշած ձգտումների և ակնկալութիւնների լոկ հրապարակախօսական արտայայտութիւնն էր. այն ինչ այդ ձգտումների և ակնկալութիւնների բանաստեղծական ամփոփման համար անհրաժեշտ էր մի Տաճարիգեանիւր «Լեռնի վշտով և զանազան բանաստեղծութիւններով»:

(Վերջը միւս համարում)